



Газет 2001-йисан
ноябрдилай акъатзава


ЭРЕНЛАРДИН СЕС

РД - дин Докъузпара райондин общественно-политический газет.
Общественно-политическая газета Докузпаринского района РД.

№25 (851) 21-июнь, хемис, 2018-йис. Газетдин са экз. кьимет киоскрай - 10 манат

ШАРВИЛИ-2018

Шарвилидин сувар 30-июндиз кьиле фида



Лезги халкъдин къагъриманвилдин «Шарвили» эпосдин сувар гьар йисуз Ахцегьа кьиле тухузва. Цинин йисуз 19-сеферда яз? 30-июндиз кьейд авунин кьарар къабулнава. И йикъара Ахцегь райондин администрацияда эпосдин сувариз гъазурвилер акунин тешкил-лувилин комитетдин гегьенш заседание и райондин кьилин заместитель Алмас Шуаева тухвана.


Кьейд ийин, йис-сандавай гурлудаказ тешкилзавай сувар эхиримжи йисара Дагъустандин умуми сувариз элкьвенва. Ина неинки лезгий-ри, гьакI маса халкъарин дестейрини иштиракзава.

Нубатдин сеферда сувар тешки-лунихъ ва кьиле тухунихъ галаз алакьалу месэлаяр Ахцегь райондин Кьил Осман Абдулкеримован вичин гуьзчивилик кутунва.

Докъузпара райондин дестедини и суварик гьар йисуз лайхилудаказ иштиракзава.

РАЙАДМИНИСТРАЦИЯДА

Нубатдин совещание



Алай гьафтедин ислендин юкьуз Докъузпара райондин администрацияда райондин Кьил Абдургагьим Алискерован регьбервилек кваз администрациядин кьилин заместителрин, райондин тешкилатрин ни идарайрин руководителрин ва гьакI хуьрерин администрацийрин кьилерин иштираквал авай авай нубатдин совещание кьиле фена.

Совещание ачухуналди райондин Кьили райадминистрациядин экономикадин отделдин пешекар Музамедин Межиждоваз 60 йисан юбилей тебрикна. М. Межиждова гзаф йисара кьачур зегьметдай А. Алискерова адаз чухсагьулар малумарна, чандин сагьвал ва кIвалахдин рекье тележегда мадни чехи агалкьунар хьун тIалабна.

Экономикадин отделдин начальник С.Магьмудова 2018-йисан II-кварталдин налукар кIватIуникай, кIвалер ва чилер актуализация авуникай суьгьбетна.

Чилерин часпарар тайинарунин жигьетдай М. Межидов рахана. Ада кьейд авурвал, алай вахтунда райондин 5 хуьре кIвалахар акьалтIнава, Къалажух ва Миграгь хуьрера и кар тамамар хьувуна кIанзава.

Райадминистрациядин юридический отделдин начальник М. Крымова алай йисан 21-июндиз «Самурский» парк тешкилуни жигьетдай Усугьчайдин СДК-да кьиле фидай яб акалунрикай суьгьбетна.

Райондин кьилин заместитель С. Гьажимурадова 30-июндиз Ахцегьа кьиле фидай лезгийрин игитвилдин «Шарвили» эпосдин сувариз гъазурвал алуникай суьгьбетна.

Кьунвай улакьар акьвазардай чкаяр ва полициядин участковый векилриз кIвалахдай шартIар тешкилуни чарасузвиликай хатасузвилдин жигьетдай тир райондин кьилин заместитель Кь. Мегьединова суьгьбетна.

А. ЭМИРСУЛТАНОВ

Шииратдин магъир устад

(Шаир ва гьикаятчи Майрудин Бабаханован 60 йисан юбилейдиз талукъ яз)

Лезгийрин алай вахтунин бажарагълу шаир ва гьикаятчи Майрудин Бабаханович Бабаханов Сулейман-Стальский райондин Пиперхуьре 1958-йисуз дидедиз хьана. Юкван школа ада хизан куьч хьайи Мегъарамдхуьруьн райондин Самурхуьре куьтягъна. Советрин армиядин ж е р г е й р а



кьуллугъна хтай жегъил Дагуниверситетдин филологиядин факультетдиз гьахьна. Яру диплом аваз университет акьалтIарай жегъил пешекарди Хив райондин АрхитIрин школада сифте муаллимвиле, гуьгьуьнай гьа мектебдин директорвиле кIвалахзава. Чешнелу директор хьайи М. Бабаханов, Сулейман-Стальский райондин УНО-дин регъбервиле тайинарзава. Муьжуьд йисуз УНО-да кIвалахайдалай гуьгьуьнниз ада винидихъ кьейднавай райондин медениятдин управление идара ийизва.

XX лагъай асирдин 80-йисара Майрудин Бабаханован сифте эсерар «Муьгьуьббатдин куьче» (1989), «Гьетери табдач» (1999), «Ракъинин сухта» (2010), «Лекърен мани» (2017) ва маса кьилдин кIватIалтра ва ктабра гьатнава. Вичихъ яратмишунрин рекъе махсус хатI, хатIуна художественный такъатар авай Майрудинан шииратдиз гегъенш кIелзавайбурун ва поэзиядал рикI алайбурун кьатар итиж ийизва, абурун цийивилел ва тазавилел рикIивай гьейранвалзава. Вичелай вилик хьайи лезги эдебиятдин чIалан устадри хьиз, адани «вич шииратдиз вучиз атанва ва вичи вуч авун лазим я» - суалдиз «Ракъинин сухта» ктабдин сифте чина жаваб гузва:

Зун инсан я-яшамширай инсанвал!

Зун инсан я-дамахваза гьадалди.

За чан гузва и дуньяда хъсанвал

Са кIус кьванни артухарун паталди.

Хайи Ватан ва хайи чил – ибур Майрудин Бабаханован яратмишунра кьилин темаяр я.

Маса д жедай зун масана хьанайтIа,

Маса гафар кьведай рикIин табагъдай.

Анжах са кар: мумкинвал заз хьанайтIа,

Мад сеферда ватан яз вун хьядай.

Дунья ва инсан, дуньядин сирер-месэлайриз талукъ чIалар М. Бабахановахъ тIинмил авач. Шаирди тарихдин цийи шартIара Е. Эминан рехъ давамарзава:

Низ малум я вири сирер уьмуьрдин?

Мус аялвал кьуьзуьвиле элкъвезва?

Эвел гьинва, гьинва лишан эхирдин?

Чун мус физва? Мус элкъвена хквезва?

Шаирди мад ва мад ягъ, намус, гьейрат, марифат квалар тавуниз, инсанвал хуьни эверзва?

Бязибуру ви намусдал хабарсуз,

Хуш налук хьиз, намуссузвал вегъезва.

Заз инсанар, кьизилдихъ хьиз, са юкьуз

Намусдихъни тамарзлу жез кичIезва.

... Чи уьмуьрар гагъ ширин, гагъ батин я,

Виридалай инсан хьунухъ четин я.

(«Регъят туш» шиирдай цIарар –Ш.Ш.)

Майрудин Бабаханова гьикI ятIани лагъанай: «Зун гьвечIи халкъдин шаир я-заз гьвечIи шаир жедай ихтияр авач». КIелдайбуру, шииратдал рикI алайбуру, чи критикади шаирдин ктабриз гайи кьиметрай аквазвайвал, Майрудин Бабаханов, шаксуз, чIехи шаир, чIалан магъир устад я. Ада тади квачиз, вичин шиирдилай шиирдал, ктабдилай ктабдал, вичин усталвал хкажиз, вилик камар кьачузва, лезги шиират цийи-цийи поэтикадин алатралди, дерин фикирралди мадни девлетлу ийизва. Яратмишунрин чагъинда авай баркаллу шаирдихъ вичи хкянавай ва мягкъемдиз кьунвай рекъе кьуй мадни зурба агалкъунар хьурай!

Мубаракрай ваз 60-сан сувар!-

Кьуй лигим хьурай сирнаваду лувар...

Къиле твах жуван паклувал чIалан,

Гьа рекъе хьурай тежриба кьакъан!

Шагъбала ШАГЪБАЛАЕВ

Майрудин БАБАХАНОВ

Зи шиирар

Зи шиирар кIел тавурай алчахри,
Абур патал йифен ахвар ханач за,
ЦIай кутуна хура авай чахмахри,
Жегъил уьмуьр гьабур патал канач за.
Гьабур патал экъечIнач зун майдандиз,
Гьар сеферда кIудиз рикIин дапIарар.
Шиирдалди кьуллугъна за ватандиз,
Яру хьана ифидалди дамарар.
Четин тирла, кьил клевера акIайла,
Лагъанач за: -Багъри ери такIанда.
Кьекъвенач зун гьейри кьулай чкайрихъ,
Кесибвална жуван кесиб ватанда.
Зи шиирар кIел тавурай ажузри,
КIелайтIани, бажагъат чеб шад жедая:
Тади гана зи сергъятсуз ажугъди,
Валлагъ, чпин гьвечIи рикIер пад жедая.
Темягъ фена, чими ийиз агатай,
Куда абур зи ашкъидин цIаяри.
Кьерех хьана, квахъна санихъ алатрай,
Бахтикьара тавурай чеб гьавая.
Зи шиирар кIел тавурай авамри,
И дуньядин писни хъсан такунвай.



Келле буш яз, мекер расиз, цалцамдиз,
 Уьмуьрдин тек шад терефдихь агьунвай.
 Зи шиирар келел тавурай хаинри –
 Беденда бунт кьарагьарда ивиди,
 Гьелекда чеб гьар сеферда ифинди,
 Рикел хкиз ватан маса гайиди.
 Зи чаларихь ни гала зи ватандин

Зи чаларал хайи чилин ад ала.
 Зи чаларал, клантла хьуй чеб гьулдандин,
 Гьар душмандин хур кьазундай яд ала.
 Къизилар хьиз, акьудзавач чувалрай,
 Кхьизва за гафар рикелай кьведайвал.
 Зи шиирар келелрай анжах кьегьалри,
 Хайи чилин кьаравулар жедайвал.

Келечийрихь галаз гуьруьш

19-июндиз Сулейман-Стальский райондин центр Кьасумхуьре РД-дин печатдинни информациядин министр Рашид Акавов ва Кьиблепатан Дагьустандин сергьятра милли чаларал акьатзавай газетрин редакторар, мухбирар келечийрихь галаз гуьруьшмиш хьана.

И.Тагьирован тварунихь галаз медениятдин дараматдин залда кьиле феи и мярекат тешкилайбуру РД-дин печатдинни информациядин министерство ва республикадин дережада акьатзавай «Лезги газетдин» редакция я. Кьилди кьачуртла, мярекатда Сулейман-Стальский райондин кьил Н. Абдулмуталибова, РД-дин печатдинни информациядин министрдин сад лагьай заместитель М. Агьмедова, «Лезги газетдин» кьилин редактор М. Ибрагьимова, «Дагьустан» ГТРК-дин руководитель Л.Алихановади, «Дагьустан» РГВК-дин руководитель Е.Тагьировади, «Гьакьикьат» газетдин кьилин редактор А.Камалова, «Нур» газетдин кьилин редактор Б. Абдуллаева, «Табасарандин нуру» газетдин кьилин редактор Г. Моллалиева ва хейлин маса басмадин органрин кьуллугьчийри, гьа жергедай яз Докьузпара райондин Сад тир информациядин центрдин кьуллугьчийри: «ЭС» газетдин кьилин редактор А.Эмирсултанова, и газетдин жавабдар секретарь К.Ферзалиева, райондин официальный сайтдин корреспондент З.Шагьламазова, оператор Э.Шагьэмирова иштиракна. Чи райондин «ЭС» газетдиз талукь выставкани тешкилнавай.

Мярекат Сулейман-Стальский райондин Кьил Нариман Абдулмуталибова ачухна. Ада мярекатдин важиблубликайни адан макьсадрикай куьрелди лагьана. Гуьгьунлай Р. Акавов рахана. Ада кьейд авурвал, газетар ва журналар келелзавайбурухь галаз гуьруьшмиш хьунин мярекатар тухунихь кьетлен метлеб ава. Ихьтин мярекат сифте яз Кьасумхуьре тухузва, тележегда маса районрани тешкилдайвал я.



Министрди министерстводин патай ва «Лезги газетдин» кьилин редакторди газетдин патай бязи келечияр гуьрметдин грамотайралди кьейдна. Кьилди кьачуртла, министр Р.Акавова грамотайралди кьейд авурбурун жергеда «ЭС» газетдин кьилин редактор А.Эмирсултанов ва «Лезги газетдин» кьилин редактор М.Ибрагьимова грамотайралди кьейд авурбурун жергеда Кьурушрин хуьруьн мухбир Шихали Багьиров авай.

Гуьруьшдин кьилин макьсад келелдайбурун фикирар чирун, абурун теклифар кьабулун ва суалриз жавабар гун тир. Гуьруьшдин вахтунда жуьреба-жуьре районрай, шегьеррай атанвай ксари басмадин органрин кьиле авайбуруз суаларни теклифар гана, газетрин кваллах мадни хьсанарун патал метлеблун меслятар кьалурна.

Эхирдай Н.Абдулмуталибова гуьруьш тешкилайбуруз чухсагьулдин келимаяр лагьана.

К. КЪАЛАЖУХВИ

22-ИЮНЬ - РИКЕЛ ХУЬДАЙ ВА ХАЖАЛАТДИН ЮГЪ

Инсафсуз ва зулумкар дяве

Инсаниятдин тарихда Дуьньядин кьвед лагьай дяведи, чи улчмедалди Ватандин Чехи дяведин йисари (1941-1945-й.) виридалайни инсафсуз, еке кьурбандвилер арадал гьайи зулумкарвилдин чка кьазва. Чехи Октябрдин кьазанмишунар гьиле

авай СССР-ди инсаниятдин яшайишдин кьурулуш гьакьунихь, адалатдихь, дуьзвилехь тухуз чалишмишвалзавай. Сиясатдин рекьий напак хиялар ва макьсадар авай миллетбаз фашистрин Германиядиз, вичин экономика хкажунин игьтияж авай. Амни

таланчивилелди чи чехи уьлкведин чилер кьуна, вичин сергьятар гегьеншарун...

Дяведин продукция акьудунин рекьий лап вилик жергеда авай



Германияди алатай асирдин 30-йисарилай эгечина, вичин союзникарни галаз СССР-дал гужумдай дяведин гъазурвилер акунвай. Душманди 192 дивизия (5,5 миллион аскерар), 4,8 агъзур танкар, гужумдин тупар, 47,2 агъзур минометар, вад агъзур женгинин самолетар, 192 гимияр ва маса техника гъазурнавай. 1941- йисан июндин вацра Яру Армиядихъ 187 дивизия (3,2 млн. аскерар), 38 агъзурдалай кылихъ тупар ва минометар, 13,2 агъзур танкар, 8,7 агъзур женгинин самолетар ва 182 гими авай. И рекъемри кьалурзавайвал, кьуватар барабар тушир. ИкI ятани, 1941-йисан 22-июндиз Гитлеран Германияди, ислягъвилин икърар чIурна, хаинвилелди ва фендигарвилелди СССР-дал гужумна. Душмандин къаст са куьруь вахтунда чи Ватандин сергъатар кьуна, адан девлетлу мяденрин иесияр хьунухъ тир. Дяведин сифте кылера цава ва чиле душманди агъавал ийизвай. Саки июлдин эхирралди абуру Яру Армиядин кьушунриз еке эксиквилер гана, ягъунар кьуна. Чи кьушунрикай 850 агъзур аскер ва офицер телеф хъана, саки 1 миллион инсан фашистрин есирда гъатна. Техникадин яракъарни кардикай хкатна. Фашистривай чи гъукуматдин сергъатрин кьенез (300-600км.-дин) гъахъиз алакьна. Гъа



са вахтунда советрин аскерри, руьгъдай ават тавуна, жаллатрин аксина дяве тухузвай. Абуру фашистрин арадайни 100 агъзур аскер кьирмишна, 950 самолет ва маса женгинин техника тергна. 1942-йисуз советрин баркаллу ва жуьрэтлу кьушунри ягъунрин сергъатар гегъеншарна. Хъайи къати женгера чи аскерри Кеферпатан Кавказ, Сталинград душмандикай хвена. Гитлеран тумухъанар, фельдмаршал Ф. Паулюс кыле аваз, есирда кьуна. Ахпа Курскдин ягъунар кыле фена. Зурба игитвилерин чешне кьалурай советрин инсанри душмандин хурукай 38 агъзур хуьр, 160 шегъер азадна.

Европадин гъукуматар фашистрин миллетбазвилин,

инсансузвилин тегъуьндикай, фашизмдикай хвена. СССР-дин халкъарин 27 миллион касди чпин чанар кьурбандна. Чи гъукуматдин дуланажагъдиз дяведин рехъ 4 триллион манатдин, 679млрд. доллардин зиянар хьуналди ацукьна. Фашистрин чапхунчийрин зулумдикай дуьньядин халкъар хуьнин рекъе советрин аскеррин алахъунар ва игитвилер, лайихлувилер кьимет эцигиз тежедайбуря. Чи уьлкведин азадвал хуьнин рекъе чанар эцигайбур чна мидаим яз ва еке буржлувал хиве аваз рикIел хкизва ва хуьзва. Чун абурун крариз лайихлу несилар жез алахъзава.

Шагьбала ШАГЬБАЛАЕВ



РЕСПУБЛИКА ДАГЕСТАН ДОКУЗПАРИНСКИЙ РАЙОН СОБРАНИЕ ДЕПУТАТОВ МУНИЦИПАЛЬНОГО РАЙОНА «село КАРАКЮРЕ»

От 19.06.2018г.

№8

РЕШЕНИЕ

СЕССИЯ СОБРАНИЯ ДЕПУТАТОВ СЕЛЬСКОГО ПОСЕЛЕНИЯ

«О назначении даты выборов депутатов представительного органа муниципального образования с/п «село Каракюре».

В соответствии с пунктом 7 статьи 10 Федерального Закона «Об основных гарантиях избирательных прав и права на участие в референдуме граждан Российской Федерации», сессия собрания депутатов с/п «село Каракюре».

РЕШАЕТ:

Назначить дату выборов депутатов представительного органа муниципального образования с/п «село Каракюре» на 9 сентября 2018г. IV созыва.

Н.И. ГЮЛАХМЕДОВ, Председатель сельского собрания с/п «село Каракюре»



**РЕСПУБЛИКА ДАГЕСТАН ДОКУЗПАРИНСКИЙ РАЙОН
СОБРАНИЕ ДЕПУТАТОВ МУНИЦИПАЛЬНОГО
РАЙОНА «село НОВОЕ КАРАКЮРЕ»**

От 19.06.2018г.

№35

Р Е Ш Е Н И Е

15 сессия собрания депутатов сельского поселения

«О назначении даты выборов депутатов представительного органа муниципального образования сельского поселения «село Новое Каракюре».

В соответствии с пунктом 7 статьи 10 Федерального закона «Об основных гарантиях избирательных прав и права на участие в референдуме граждан Российской Федерации», сессия собрания депутатов сельского поселения «с. Новое Каракюре».

РЕШАЕТ:

Назначить дату выборов депутатов представительного органа муниципального образования сельского поселения «с. Новое Каракюре» на 9 сентября 2018 года 15 сессия 7 созыва.

Г. М. ПАРВАНАЕВ, Председатель сельского собрания СП «село Новое Каракюре»

Информационное сообщение

Участковая избирательная комиссия №051.9 с. Каракюре Докузпаринского района на основании Закона РД «О муниципальных выборах РД ст.36- ст.40. принимает предложение по кандидатурам на должности депутатов представительного органа МО с. Каракюре. Прием предложений осуществляется в течение тридцати дней со дня публикации в СМИ по адресу УИК №0519 с. Каракюре.

Ф.Н. МАМЕРЗАЕВ, Председатель УИК №0519 с. Каракюре Докузпаринского района

Информационное сообщение

Участковая избирательная комиссия №0516 с/п Ново Каракюре Докузпаринского района на основании закона РД О муниципальных выборах РД ст.36-ст.40. принимает предложения по кандидатурам на должности депутатов представительного органа с/п Ново Каракюре. Прием предложений осуществляется в течение тридцать дней со дня публикации в СМИ по адресу УИК №0516 сельская администрация с/п с. Ново Каракюре Докузпаринского района .

М.П. АЛИСКЕРОВ, Председатель УИК №0516 с/п с. Ново Каракюре Докузпаринского района

МЕСЯЧНЫЙ ОТЧЕТ ОБ ИСПОЛНЕНИИ СМЕТЫ РАСХОДОВ

По ДОКУЗПАРИНСКОМУ сельского поселения с.Усухчай на 1 апрель 2018г.

Наименование организации	Гл.	р/п	ш/с	в/р	ст.	Ассигнования на отчетный период	Кассовые расходы с начала года	Остаток
1	2	3	4	5		7	8	9
	001	0104	8830020000	121	211		329050	
	001	0104	8830020000	129	213		175691	
	001	0104	8830020000	244	221		12 000	
	001	0104	8830020000	244	223		69 000	



	001	0104	8830020000	244	310		57 540
	001	0104	8830020000	244	340		311 530
	001	0502	999000590	244	225		120 801
	001	0505	9990005000	244	226		98 000
	001	0203	9980051180	121	211 (17-365)		11712
	001	0203	9980051180	121	211 (17-365)		3538
ИТОГО:							1 188 862

1. РАСХОДЫ

Наименование текущего бюджетного счета	Код строки	Остаток на начало года	Субвенция из РайФУ	Собствен. расход	Кассовый расход за отчетный месяц	Остаток на конец Отчетного года
7	8	9		10	11	12
Текущий бюджетный счет на расходы учреждения	01	46026-05	1000377	180213-20	1188862	37704-25
Текущий бюджетный счет главного распорядителя ассигнований						
а) на расходы учреждений	02					
б) для перевода подведомственным учреждениям	03					

Численность работников адм. сельского поселения с. Усуччай 10-ед.

Ф. А. МИСРИХАНОВ, руководитель, Н. Х. СУЛЕЙМАНОВ, главный бухгалтер

МЕСЯЧНЫЙ ОТЧЕТ ОБ ИСПОЛНЕНИИ СМЕТЫ РАСХОДОВ

По ДОКУЗПАРИНСКОМУ сельского поселения с. Каракюре на 1 апрель 2018г.

Наименование организации	Гл.	р/п	ш/с	в/р	Статьи эк.кл.	Ассигнования на отчетный период	Остаток
1	2	3	4	5	6	7	8
	001	0104	8830020000	121	211		258595
	001	0104	8830020000	129	213		186089,92
	001	0104	8830020000	244	223		6000
	001	1403	2610160020	540	251		76906
	001	0104	8830020000	851	290		1863,08
	001	0104	8830020000	852	290		641
	001	0104	8830020000	244	221		11799
	001	0104	8830020000	244	340		61980
	001	0503	9990005000	244	225		160610
	001	0505	9990005000	244	226		40000
	001	0104	8830020000	244	226		31400
	001	0104	8830020000	244	310		77040
	001	0104	8830020000	244	290		6120
	001	0203	9980051180	121	211 (17-365)		11713
	001	0203	9980051180	129	213 (17-365)		3537
ИТОГО:							934294

1. РАСХОДЫ

Наименование текущего бюджетного счета	Код строки	Остаток на начало года	Субвенция из РайФУ	Собствен. расход	Кассовый расход за отчетный месяц	Остаток на конец Отчетного года
7	8	9		10	11	12
Текущий бюджетный счет на расходы учреждения	01	4796,82	948695	61606,06	934294	80804,42
Текущий бюджетный счет главного распорядителя ассигнований						
а) на расходы учреждений	02					
б) для перевода подведомственным учреждениям	03					

Количество работников адм. СП «с. Каракюре» 13-ед.

Н.И. ГЮЛАХМЕДОВ, руководитель, Н.Х. СУЛЕЙМАНОВ, главный бухгалтер

ЮМОР

Шуьше ваь, гьил хана

Нисинин вахт. Зи вилик кваз тротуардай жегьил пуд итимди камар къачузва. Аквазва, кефияр къумбар я ксарин, «виш граммар» галукьнавайди якъин я. Къакъан буйдин, жендек яхун тир итим иллаки «кефиник» ква, ада гагь и пад, гагь а пад язава.

- Яда, Агьад, вун мукьбят хьухь, алуькьайтIа, ви кастумдин хиле авай шуьше хада, - тагькимарзава дустарикай сада.

- Вуч? Алуькьиз зун пиянзавани? – вичин яргьи жендек дуьз къаз, шуькIуь цIамар хьтин кIвачер дуьз вегьез алахьиз, дустунихь элкьвена лугьзува Агьада. – АлуькьайтIани, ваз чир хьухь, хиле авай шуьшедал зун мукьбят я, алуькьун анихь амуькрай, цIуз вегьейтIани, а эрекь чна хьвада хьи, хьвада.

- Дуст кас Агьад, я вунни алуькь тавурай, я ви хиле авай шуьшени хун тавурай, - лугьзува пуд лагьай итимди. – Ваз чизва хьи, гьа шуьше чна пудани жибинра авай келекар



кIватIна маса къачунвайди я, ам хайитIа, чун эрекь амачиз амуькьда, чаз аламаз эрекь гудай туьквенни, я чав буржуниз пул вугудай касни авайди туш, минет хьурай, шуьше хадайвал тахьурай. Закуска яз, жибинда къве къенфетни ама.

- Я къин тавур стхаяр, куьне

зун михьиз пиянзавайдай, михьиз кимидай къуна хьи, - хьел атай къайдада рахана Агьад. - «Шуьше хун тавурай», «Шуьше хун тавурай» лугьуз, куьне зи япар биши авуна хьи, шуьше хаз зун итим тушни?

Гьа и гафар сиве амаз, тротуардин къерехда тунвай къванцихь кIвач галукьна, Агьад чинихьди алуькьна. Факьирдиз вичиз хьайи тIарвални акунач, ада вичин чапла гьилелди эрекьдин шуьше хиле тунвай эрчIи гьил къуна.

- Ханвач, гадаяр, ханвач, шуьше сагь яз ама! – шадвилелди гьарайна Агьада. – За кvez лагьанайни, зун алуькьайтIани, цIуз аватайтIани, шуьше за сагь яз тада. Чир хьухь, зун итим я, итим!


Амма... Алуькьункиди гьил хайи Агьад тамам варзни зура духтурханада къаткуниз мажбур хьана...

Хазран КЪАСУМОВ

Общий список кандидатов в присяжные заседатели для Северо-Кавказского окружного военного суда Махачкалинского гарнизонного военного суда по МР «Докузпаринский район»

- | | |
|--------------------------------------|--------------------------------------|
| 1. Шахмиров Рижаудин
Ханахмедович | 6. Агарагимов Муъмин
Агашерифович |
| 2. Бейтуева Эльмира Алирзаевна | 7. Шихов Завир Шихметович |
| 3. Адилов Абдул Фаидинович | 8. Баласиев Фаидин Замидинович |
| 4. Саидов Джабир Зайндинович | 9. Абдулаев Расул Сефибекович |
| 5. Алискеров Имиржан
Мирзежанович | 10. Джафаров Феликс Камберович |

СКАНВОРД



Тукъуьрайди - К. ФЕРЗАЛИЕВ

Скорая помощь ЦРБ Докузпаринского района
тел. 8 928 059 84 90, 8 989 868 03 00

«ГОЛОС ЭРЕНЛАРА»

2001-йисан
ноябрдилай акъатзава

Тешиклайди:
Докузпара райондин
администрация,
Дагъустан Республика

Учредитель:
Администрация Докузпаринского
района, Республика Дагестан

Къилин редактор:
А. Э. ЭМИРСУЛТАНОВ

Жавабдар секретарь:
К. Н. ФЕРЗАЛИЕВ

Хусуи корреспондентар:
Ш. О. ШАГЪБАЛАЕВ
В. С. АГЪАМУРАДОВ

Корректор:
Ш. О. ШАГЪБАЛАЕВ

Верстка авурди:
К. Н. ФЕРЗАЛИЕВ

Газетдин индексар:
Зур йисан къимет - 241,86 м.
Йисан къимет - 483,72 м.

Чандиз вахкай вахт: 14:00
Чапзавай вахт: 17:00

Тираж 497

Редакциядинни макъалайрин авторрин фикрар сад тахъун мумкин я. Макъалайрин делилрин дуъзвилини патахъай жвааб авторри чии гуда. Макъалайриз рецензия гузвач ва абур элкъвена вахкузвач. Мадни, чпин макъалайра дегизишер тунал, къилер дегизишунал рази тушир мухбиривай чна абур редакциядиз ракъур тавун тIалабава.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан

Регистрационный номер ПИ №ТУ5 - 00256 от 14 июня 2013 г.

Редакциядин, издательстводин ва типографиядин адрес:

368750, Докузпара район,
Усуьгъчай хуьр,
тел.+7 (8722) 55-14-61
e-mail:
golos-erenlara@mail.ru
Чи сайт: www.erenlar.ru